



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

DLXXXVI. Der Rath zu Salzwedel bewilligt dem Annenkloster bei seiner Verlegung an die Nicolai - Kirche für eine bestimmte Geldsumme die Freiheit von allen bürgerlichen Lasten, am 9. März 1513.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

DLXXXVI. Der Rath zu Salzwedel bewilligt dem Amtenkloster bei seiner Verlegung an die Nicolai-Kirche für eine bestimmte Geldsumme die Freiheit von allen bürgerlichen Lasten, am 9. März 1513.

Wie Borgermeister vnd Radmann der olden Stad to Soltwedel bekennen etc. — So de jnnigen vnd gestliken junckfrewen vor Gitzel wolters, priorissa, Anna alemans, subpriorissa, vnd de gantz vorlamelinge des Closters Sunte Annen, ordinis sancti Augustini, by vns in vnse Stad, vmme vormeringe godes denst sick genomen vnd eyn Closter in de Ere Sunte Annen an der kercken sancti Nicolai gebuwet vnd bollagen hebben, welcke kercken sancti Nicolai vorge-nompt wy vor vns vnd vnser nakamelingen vmme gades willen vnd dorch sunderlike leue vnd gunst, ydoch des prauestes vnser leuen frewen kercken ok by vns syner gerechticheit vnscedelik, mildichliken den benomeden Junckfrewen vnd oren nakamelingen Resigneret vnd mit allen oren tobohoringen to orem Closter vorantwordet, wur mit de vpgnanten Junckfrewen vor sick vnd oren nakamelinghen vns vnd vnser nakamelingen mit eynem Reuersal breue tiegen duffen vnser breff vorfegelt gegeuen, vnd sie derwegen in sunderlike gerechticheit genuchsam angefehn, Dat wy vnd vnse nakamelingen de vilgedachten Junckfrewen vnd ore nakamelingen Ore Closter, zo id itzund gebuwet, bogrepen vnd mit den bostanden Eruen bollagen vnd orem liggenden grunden, wu sie beth huten dages datum dusses breues bofeten vnd vnder gehat hebben, van allen wontlikem Scate, herfarden, Straten Rechte, wakende, in grauen vnd to Bomwerk to gande, vthlopendes vnd allen plichten vnser Stad frig holdenn willen, dar var sie vns wol to dancke viff hundert marck penninghe an golde vnd gelde vornuget vnd botalet hebben, de wy zo vort in vnser Stad nut vnd framen gekeret; Reden vnd lauenn vor vns vnde vnser nakamelinghen den vpg-nomden Junckfrewen vnd allen oren nakamelingen sodaner vorbenomeden frigheit stede, vaste vnd vnuorbrakenn wol toholdende, in crast vnd macht dusses breues. Worden sie ouer in na tiden van vns vnd vnser nakamelingen wider mer Stande Eruen vnd liggende gründe, So sie der groter nottrosticheit nicht entbernn kunden, dorch sunderlike bede vnd gunst irlangen, dar mit mogen sie sick na lud orer vorseriunge, vns vnd vnser nakamelingen gegeuen, wider entrichten. Wy vpgnanten Borgermeister vnd Radmann bewillen vns ock vor vns vnd vnser nakamelingen, dat wy de sulsten Junckfrewen mit oren nakamelingen gelick vnser andern medeborgern vnd Inwanerenn in bochut vnd bescherment nemen willen, wan sie sodans van vns hogernn. Des alle to eyner vorwaringe vnd groter wissenheit hebben wy vnse der Stad grote Ingefegel wiliken hangen don an duffen breff, de gegeuen is na Cristi gebord vnser heren veffteynhundert vnd dar na im Drutteiden iare, Am Middeweken na letare in der hilligen vasten.

Nach dem Originale des Salz. Archives XXXVII, 16.